

ԶԵՅԹՈՒՆՈՒՄ ԳՈՅՈՒԹՅՈՒՆ ՈՒՆԵՑԱՄ ՀԱՐԱԵՐԻ ՄԱՍԻՆ

ՀԱՅԿԱԶ ՊՈՂՈՍՅԱՆ

Սկսած 1409 թ. Զեյթունի մասին պահպանվել են ղզալի վկայություններ, սակայն զեյթունցիների վճարած հարկերի մասին մեզ տեղեկություններ քիչ են հասել: Աղասին իր աշխատության մեջ, հավանաբար ավանդությունից ելնելով, նշում է, որ օսմանյան սուլթան Սելիմ I գրավեց Կիլիկիան (1515) և վերացրեց թուրքմենական Զուլ Գատիրյան ցեղի տիրապետությունն այնտեղ: Ըստ նույն ավանդության, Զեյթունի հայերն օգնել էին օսմանյան բանակներին և այդ պատճառով էլ նրանց գավառակի սահմաններն ընդարձակվել են՝ հասնելով մինչև Կապան գյուղաքաղաքը: Օսմանյան կառավարությունը զեյթունցիներին վրա 5000 դահեկան հարկ է դրել: Այդ ավանդության համաձայն, սուլթան Սուլեյմանի (1520—1565) ժամանակ Զեյթունի բահանաներից մեկը մեկնել է Կոստանդնուպոլիս և վավերացրել վերևում նշված հարկի մասին եղած պայմանը: Սակայն զեյթունցիները սահմանված այդ հարկը չեն վճարել և միայն որոշ քանակի անասուններ էին տալիս պետական սլաշտոնյաներին և «Զեյթունի իշխանները կվալելնին անկախ իշխաններու պայմաններ, իրենք տուրքեր կհավաքեն և կառավարության չէին ուղարկեր, կրնեին ինչ որ չիրենց հաճելի էր»¹:

Զեյթունցիների վճարած հարկի մասին առաջին վավերագիրը սուլթան Մուրադ IV-ի (1623—1640) հրովարտակն է, որն առաջին անգամ հրատարակել է Մ. Սեմերճյանը (Զեյթունցի): Այդ հրովարտակում ասված է. «Զեյթուն գավառակը բարոտ ըլլալով, բնակիչը ընդարձակ հողեր շունենալուն, իրենց պարենը հայթաթելու համար շատ դժվարություններ կկրեն, այնպես որ ցորեն, գարի և այլ ամեն ընդեղեններ դուրսերեն բերելու հարկադրված են, ուստի հիշյալ գավառակը, որ կայսերական կառավարության մասը կազմող Մարաշի կառավարության տակն է, որպես արտոնացյալ երկիր՝ զերծ կկացուցանեմ զլիսահարկի տուրքեն, զոր պարտավոր էին վճարել կայսերական գանձուն, միայն տարվե տարի 15.000 դահեկան (զուրուշ—Հ. Պ.) որոշյալ բանակության մասը մը պարտին հատուցանել Այա Սոֆիա մզկիթի հոգաբարձուին, որպեսզի կանթեղներուն համար ձեթ առնելով լուսավորվի մզկիթը. 15.000 դահեկան ալ իրենց եկեղեցյաց կանթեղներուն համար վճարեն, որ անոնք ալ լուսավորվին: Բն՝ Այա Սոֆիա մզկիթին և թե իրենց եկեղեցիներուն՝ որպես կրոնական տուրք (վազըֆ) համարվի այս գումարը. ասկե ավելին պահանջելու համար իմ հաջորդներն ոչ ոք համարձակի կայսերական շնորհացս արժանացող Զեյթուն գավառակի վրա ծանրանալու: Բաց հայամա-

¹ «Զեյթունի պատմագիրք», Բուենոս Այրես, 1960, էջ 105:

² Նույն տեղում:

նե սույն գավառի մեջ թուրք պաշտոնյա շի պիտի գտնվի, նույնիսկ ճանապարհորդությամբ այնտեղ հանդիպող թուրք պաշտոնյան քաղաքեն ներս չմտնելով՝ պետք է դուրս տեղ մը պառկի, այնպես որ բնավ մէկ կողմն մը վնաս չհասցնի այն բացառիկ ու ինքնավարական դրության, զոր շնորհած եմ անոնց՝ ինքզինքնին կառավարելու առանց արտաքին միջամտության»:

Կ. Պոլիս, 29 շնչվալ 1036

Քրիստոսի 1618 փետրվարի 17³

1950-ական թվականներին այս հրովարտակը համարվեց «կեղծ և մտացածին»⁴, ելնելով նրանից, որ Մուրադ IV-ը թագաւորել է 1623—1640 թթ. և, բնականաբար, չէր կարող 1618 թ. տալ այսպիսի հրովարտակ: Սակայն իրականում Հեջրիի 1036 շնչվալը ոչ թե 1618 թվականն է, այլ 1626—1627 թ., երբ Մուրադ IV-ը իշխում էր:

Այսպիսով, սկսած 1626—1627 թ. մինչև 1865 թ., մինչև թուրքական առաջին կայսակամի մուտքը, ղեյթունցիները վճարել են ընդամենը 30 հազար դահեկան հարկ, որից 15 հազարն Ույա Սոֆիայի մզկիթին և 15 հազարն իրենց եկեղեցիներին: Միաժամանակ նշենք, որ այս հրովարտակի արտոնությամբ լեռնականները մինչև 1865 թ. ապրել են ինքնուրույն կյանքով, ոչ ոք իրավունք չի ունեցել մտնելու նրանց գավառակը: Ըստ Դ. Ինճիճյանի, ղեյթունցիները «...ամենեքին արք կորովիք քաջասիրտ պատերազմողք ի մանկութենէ, հաջողակ ի ղինաշարժութիւնս, և ընտիր աշուածիր»⁵, Այնուհետև Դ. Ինճիճյանը գրում է, որ նրանք XVII դ. վերջին լինին հնազանդվում Մարաշի փաշային «ոչ տան նմա հարկս, ոչ սովորական տուրս, ազանին արգելեալ զգեստս, հնչեցուցանեն համարձակ զանգակս ի յեկեղեցիս, և ինքեանք դատին դամենայն դատաստանս իւրեանց»:

Ինչպես երևում է Դ. Ինճիճյանից բերված քաղվածքներից, ղեյթունցիները քաջ կովողներ էին, և իրենց պատերազմական մարզաւնքները տառնում էին սկսած մանկական հասակից, լավ ձիավոր մարտիկներ էին և վարժ հրաձիգներ: Նրանք Մարաշի փաշային հարկ չէին վճարում, հագնում էին քրիստոնյաների համար Օսմանյան Թուրքիայում արգելված հագուստներ, նրանց եկեղեցիների զանգակատներից համարձակորեն հնչում էին զանգակները և հանցագործներին դատում էին իրենք և ոչ թե թուրքական դատավորները:

Ըստ Մ. Սեմերճյանի՝ լեռնականները հրովարտակով նախատեսված հարկի կեսը՝ 15 հազար դահեկանը, իրենք էին ուղարկում Կ. Պոլիս և «Մարաշի կառավարության, ինչպես նաև թուրք հասարակության նախանձը կշարժեին իրենց վրա»⁶:

Սակայն, եթե Մարաշի փաշան շահագրգռված էր Զեյթունի իրեն ենթակա տեսնելու և այնտեղ ունենալու իր կառավարչին, ապա թուրք հասարակությունը նախանձում էր ղեյթունցիներին, քանի որ զավառակն ունեն 30—35

³ Զեյթունցի, Զեյթունի անցյալն և սերկայեն, Վիեննա, 1900, էջ 31—32:

⁴ Վ. Մեյլիքոսեյան, Զեյթունի 1862 թ. ապստամբությունը, Երևան, 1950, էջ 214—215, նույնի՝ Զեյթունի հերոսամարտերը, Երևան, 1960, էջ 12:

⁵ Դ. Ինճիճյան, Աշխարհագրութիւն շորից մասանց աշխարհի, մասն առաջին, Վենետիկ, 1806, էջ 374:

⁶ Նույն տեղում, էջ 375:

⁷ Զեյթունցի, նշվ. աշխ., էջ 32:

հազար բնակիչ, սակայն վճարում էր ընդամենը 30 հազար դահեկան հարկ: Դա նշանակում է, որ յուրարանչուր զեյթունցուն ընկնում էր մոտ մեկ դահեկան հարկ, մինչդեռ զրաք հայերին ու մնացած ազգերին պատկանող գյուղացիները մի բանի տասնյակ անգամ ավելի հարկ էին վճարում:

1780 թ. Մարաշի Օմիր փաշան արշավեց Զեյթուն և պահանջեց որ ռաւարքը իրեն վճարեն⁸, սակայն լեռնակաւները ոչ միայն հրաժարվեցին այդ անել, այլև սպանեցին փաշային ու ցրեցին նրա բանակը: 1782 թ. զեյթունցիներին հպատակեցնել շահողվեց նաև Օմերին հաջորդած Ալի փաշային⁹: 1808 թ. Մարաշի Գալանտեր փաշան ևս ցանկացավ գրավել Զեյթունը և պահանջեց վճարել 660 քսակ (մեկ քսակը՝ 500 դահեկան—2. Դ.) կամ 30.000 դահեկան տուրք...¹⁰, ինչպես տեսնում ենք, փաշան պահանջում էր ոչ միայն Այա Սոֆիայի մզկիթին վճարվող հարկը, այլև այն տասնհինգ հազար դահեկանը, որ զեյթունցիները թողնում էին իրենց եկեղեցիներին: Սակայն լեռնակաւները հրաժարվեցին փաշայի պահանջը կատարելուց:

1819 թ. ապրիլին Կոստանդնուպոլիս կանչվեց Սաի Ահապահյան Կիրակոս կաթողիկոսը, որը սկսած 1797 թ. Սաի աթոռակալն էր: Նա այնտեղ շինարարական մեծ աշխատանքներ էր կատարում և դպրոց էր բացել: Թուրքական իշխանավորները նրա մասին մայրաքաղաք էին ուղարկել տեղեկություններ, որ «կաուուցանէ զամրոց մեծ ի Սիս, աշտարակս անմասւնիս և ի Բրգունս բարձրաբերձս...»¹¹, իրը թե 40 հազար կաղակներ տեղավորելու չամար: Կաթողիկոսը մեղադրվում էր ինչպես զեյթունցիների, այնպես էլ ռուսական ցարի հետ կապի ունենալու մեջ¹²:

Ըստ Գ. Գալուստյանի, Կոստանդնուպոլսում եղած ժամանակ կաթողիկոսին հաջողվում է ոչ միայն հերքել այդ մեղադրանքները, այլև զեյթունցիների հարկը իջեցնել 20 հազար դահեկանի, իսկ մի տարի հետո լեռնակաւները 15 հազար դահեկան հարկ են վճարում¹³: Սակայն ինչպես Գ. Գալուստյանի, այնպես էլ Մ. Սեմերճյանի մոտ ոչ մի խոսք չկա այն մասին, թե մինչև կաթողիկոսի Կոստանդնուպոլիս գնալը հարկը որքան էր բարձրացել և թե նրանք ում վճարեցին այդ 20 հազար դահեկան հարկը:

«Զեյթունի պատմագրքում» նշվում է, որ պալատում իր անմեղությունը հաստատելուց հետո Կիրակոս կաթողիկոսը միջնորդեց ի նպաստ Զեյթունի, «անոր գթությունը հայցելով այս աղքատ ժողովրդյան վրա, և հաջողեցավ քսան հազար դահեկանի իջեցնել կառավարական տուրքը, որ երեսուն հազարի բարձրացած էր»¹⁴: Այս հավաստումը խոսում է այն մասին, որ հարկը 30 հազար դահեկանի էր հասել, սակայն վճարել էին արդյոք այն դրանից առաջ լեռնակաւները, թե ոչ, մենք չգիտենք: Գիտենք, որ վճարեցին 20 հազար դահեկանի իջեցված հարկը, սակայն ում. այդ էլ հայտնի չէ:

⁸ Նույն տեղում, էջ 33:

⁹ Նույն տեղում, էջ 36:

¹⁰ Նույն տեղում, էջ 38:

¹¹ «Պատմութիւն կաթողիկոսաց Կիլիկիոյ», գրեց Բաբգեն Ա. աթոռակից կաթողիկոս, Անթիպատ, 1939, էջ 521:

¹² Նույն տեղում, էջ 547:

¹³ Գր. Գալուստյան, Մարաշ կամ Կերմանիկ և հերոս Զեյթուն, Նյու-Յորք, 1934, էջ 127:

¹⁴ «Զեյթունի պատմագրք», էջ 180:

Գ. Գալուստյանի մոտ հանդիպում ենք նաև այն տեղեկությունը, որի համաձայն, երբ Կիրակոս կաթողիկոսին առաջարկվել է «երաշխավոր և փոխանորդ ըլլալ զԵյթունցիներու հարկին», նա պատասխանատվությունից հեռու լինելու միտումով մերժել է, ասելով թե «տերության զենքով ընկճել չի կրցածը ինքը հնազանդեցնելու միջոց չունի»¹⁵։ Որ Կիրակոս կաթողիկոսը մերժել է վճարել զԵյթունցիների 20 հազար դահեկան հարկը, վկայում է նաև «Կիլիկիա» գիրքը, ուր ասված է, թե նա «մերժում է զԵյթունցիների կողմից տարեկան 20.000 դուրուշի մի գումար վճարելու առաջարկությունը, որ իրան անում էին օսմանյան նախարարները»¹⁶։

Զեյթունցիների հարկի բարձրացման մասին տեղեկություններ կան նաև Բ.Կյուպեներյանի «Պատմութիւն կաթողիկոսաց Կիլիկիոյ» աշխատության մեջ։ Այստեղ նշված է, որ զեյթունցիների հարկը բարձրացել էր 50 հազար դահեկանի։ Կաթողիկոսին առաջարկում են վճարել հարկը, սակայն նա մերժում է։ Առաջարկվում է գոնե 20 հազար դահեկան վճարել, սակայն կաթողիկոսը նորից է մերժում¹⁷։

Վերը բերված փաստերից երևում է, որ լեռնականների հարկը կրկնակի, եռակի էր դարձել, սակայն մենք տեղեկություն չունենք այն մասին, թե նրանք հարկը ո՞ւմ պետք է վճարեին՝ նորից Այա Սոֆիայի մզկիթին, թե՞ կառավարությանը։

Ըստ Զեյթունցու, լեռնականները մի տարի միայն վճարեցին 20 հազար դահեկան հարկը, իսկ դրանից հետո՝ հաջորդ տարվանից սկսած «սուլթան Մուրադի հրովարտակին համեմատ 15.000-ական դահեկան միայն հավարձվելով՝ կղրկվեր Պոլիս...»¹⁸։

XIX դ. առաջին տասնամյակներին Զեյթունի վրա Մարաշի փաշաները շատ հարձակումներ կատարեցին։ Այդ ժամանակաշրջանում զեյթունցիների վճարած հարկերի մասին տեղեկությունները, ցավոք, սակավ են։ Պահպանվել է միայն վկայություն այն մասին, թե 1830 թ. Զեյթունի իշխանները Այա Սոֆիային վճարվող հարկը ուղարկել են զեյթունցի Մանուկ Պերսեյանի միջոցով, որն այն հանձնել է մզկիթի հոգևոր պետին¹⁹։

Զեյթունի իշխանները տեսնելով, որ կես դարից ավելի, սկսած 1780-ական թվականներից, Մարաշի փաշաներն ամեն անգամ արշավում են զեյթուն, առիթ դարձնելով հարկն իրենց վճարելու խնդիրը, որոշում են զեյթունցի Դելի Քեշիշի (Օհան) միջոցով վերավավերացնել սուլթան Մուրադ IV-ի հրովարտակը։ Օհանը 1833 թ. մեկնում է Կ. Պոլիս և ներկայանում Ստեփան Աղավնի պատրիարքին, որը, սակայն, նրան բանտարկում է։ Ըստ Զեյթունցու, ազատվելով բանտից, Դելի Քեշիշն իր խնդրագիրը հանձնում է սուլթան Մահմուդ II-ին (1808—1839), երբ վեցինս անցնում էր քաղաքի հրապարակներից մեկով։ Զեյթունցին նշում է, որ «և իբր, երեք օր վերջ վավերացյալ հրովարտակը պատրիարքարան եկավ հատուկ պաշտոնեյի մը ձեռամբ...»²⁰։

15 Գր. Գալուստյան, նշվ. աշխ., էջ 705։

16 «Կիլիկիա», Փորձ աշխարհագրութեան արդի Կիլիկիո, Պետերբուրգ, 1894, էջ 330։

17 «Պատմութիւն կաթողիկոսաց Կիլիկիոյ», էջ 550—551։

18 Զեյթունցի, նշվ. աշխ., էջ 42։

19 Նույն տեղում, էջ 46։

20 Նույն տեղում, էջ 64։

1835 թ. Մարաշի փաշան բանտարկում է Զեյթունի Սուրենյան իշխանին, պահանջելով ? տարվա չվճարած հարկը՝ տարեկան 30 հազար դահեկան²¹։ Սակայն լեռնականներն ի պատասխան դրա, առևանգում և բանտարկում են Մարաշի երեկելիներից շատերին, և փաշան ստիպված ազատում է Սուրենյանին, իսկ զեյթունցիները՝ մարաշիներին։

Ըստ Զեյթունցու, 1852 թ.²² հյուվարտակի վերահաստատումից 19 տարի հետո, Մարաշի Մուստաֆա փաշան զեյթունցիներից պահանջեց անվճար թողած 150.000 դահեկան տուրքը²³, սակայն լեռնականներն այն հրաժարվեցին վճարել։ Զեյթունցու մոտ պահպանված այս տեղեկությունը չի խոսում այն մասին, թե լեռնականները դրանից առաջ ում էին վճարում հարկը։ Եթե չէին վճարել, ապա ինչու էր այն 19 տարում 150 հազար դահեկան դարձել։ Դրանից առաջ՝ 1841 թ., հասեք անունով մի զինվորական պաշտոնյա 500 հոգով եկել էր Զեյթուն և պահանջել 5 տարվա հարկը, սակայն այն չէր վճարվել, ընդհակառակը, զինվորականն ինքն էր ստիպված եղել 10 ոսկի վճարելով՝ ազատվել լեռնականներից²⁴։

Ըստ Վ. Լանզուայի, որը 1852—1853 թթ. ճանապարհորդել է Կիլիկիայով և Տավրոսյան լեռնաշղթայի մի մասով, Զեյթունի բնակիչները հարկ էին վճարում Սսի կաթողիկոսին և նրա շրջակայքում տիրապետող Կոզան օղլուներ թուրքմենական ցեղին²⁵։ Սակայն Վ. Լանզուայի հաղորդած տեղեկությունը մասամբ է համապատասխանում իրականությանը։ Զեյթունցիները Սսի կաթողիկոսին եկեղեցական հարկ են վճարել, իսկ Կոզան օղլուներին ոչ մի հարկ չեն վճարել։ Բանն այն է, որ Վ. Լանզուան չի եղել Զեյթունում։ Շրջելով Կիլիկիայում հայազետ գիտնականը հասել է Սիս և ապա ցանկացել է մտնել Զեյթուն, սակայն դա նրան խորհուրդ չեն տվել, ասելով, թե Զեյթունի բնակիչներն իրենց քաղաքի թղոնները փակում են որևիցե օտարականի առջև, և թե վտանգավոր է գաղտագողի մտնելը²⁶։ Եվ այսպես, իր տեղեկությունները Զեյթունի մասին Վ. Լանզուան հավաքել է Մարաշի հայերից և ոչ թե զեյթունցիներից։ Ավելին, նա գրում է, որ լեռնականները կատարյալ ազատություն են վայելում, և «Օսմանյան դուռն հարկ տալուց բոլորովին ազատ են»²⁶։

1862 թ. ղեկտեմբերի վերջին զեյթունցի Մովսես քահանայի գրած տեղեկագիրը վկայում է, որ ռմինչև այս վերջին դարս այս նահանգիս (Զեյթունի գավառակի — Շ. Պ.) Օսմանյան տերությունն ունեցած անկախությունը կատարյալ էր...²⁷։

1859 թ. (սուլթան Մեջիդի ժամանակ) Զեյթունի երկու եկեղեցականներ՝ Մեսրոպ վարդապետը և Մովսես քահանան, ջանաքին նախկին հյուվարտակը նորից վավերացնել, սակայն դա նրանց չհաջողվեց և թուրքական կառավարությունը հարկը հասցրեց 24.000 դահեկանի։ 1860 թ. հունիսին Մարաշի

21 Նույն տեղում, էջ 56։

22 Նույն տեղում, էջ 74։

23 Նույն տեղում, էջ 81—82։

24 «Զեյթունի պատմագիրք», էջ 112։

25 Նույն տեղում, էջ 126։

26 Նույն տեղում, էջ 112։

27 Նույն տեղում, էջ 135։

հուրշիդ փաշան 12 հազար զորքով հարձակվեց Զեյթունի վրա, պահանջելով 12 տարվա հարկը²⁸։

Զեյթունցին իր գրքի 101 էջում նշում է, որ Մեսրոպ վարդապետը և Մովսես քահանան 1859 թ. շկարդացան վերահաստատել հրովարտակը, իսկ 102 էջում գրում է, որ լեռնականները հուրշիդ փաշային ցույց տվեցին երեք սուլթանների հրովարտականների պատճենները, ասելով, որ իրենք միայն 30.000 դահեկան տուրքը կարող են վճարել։ Այստեղից երևում է, որ լեռնականներն ամեն ինչ արել էին, որպեսզի ավել տուրք չվճարեն։

Հայտնի է, որ Օսմանյան Թուրքիայում հարկերի բաշխումը կախված էր տվյալ փաշայի կամքից։ Մենք արդեն նշեցինք, որ Զիա փաշան 1852 թ. պահանջեց 150.000 դահեկան տուրք։ Պահպանվել է տեղեկություն և այն մասին, որ 1856 թ. Մարաշի Մինիս փաշան նորից պահանջել է նույն քանակությամբ տուրք²⁹։

Երևանի Մատենադարանում է գտնվում 1851 թ. մայիսի 20-ին Զեյթունից ներսես Աշտարակեցի կաթողիկոսին ուղղված մի նամակ, որի տակ կան Զեյթունի շորս իշխանների և Հովհաննես արքեպիսկոպոսի ստորագրություններն ու կնիքները։ Այս վավերագրից հայտնի է դառնում, որ Զեյթունի իշխաններից մեկը՝ Մահտեսի Հոսանես Շովրողույանը, կոչվել է իշխանապետ, իսկ մնացածները՝ աղա Մարտիրոս Սուրենյանը, իշխան Մահտեսի Աստվածատուր Յաղուպյանը և Աստվածատուր Ենիկտունյանը՝ իշխաններ։ Այս նշանակում է, որ Զեյթունի կառավարությունը կազմված էր շորս իշխաններից, որոնցից մեկն իշխանապետն էր կամ ավագը, նախագահը։ Այդ կառավարության մեջ էր նաև Դառնեցի Հովհաննես արքեպիսկոպոսը։ Նրանք ներսես Աշտարակեցուն գրում էին, թե «ոչ կարեմք լրկանապես գրել զել և մուտ մեր մի ըստ միոչէ»³⁰։ Ուրեմն վախեցել են, որ նամակը կարող է ընկնել թուրքական աստիճանավորների ձեռքը։ Այդ նամակը վկայում է, որ Զեյթունի իշխանները «են պայազատք և արքայազուն սեռք, ամենայն ուրեք հուշակաւոր անունեալք, և մինչև ի յարքունիս պալատն Օսմանյան...»³¹։ Համաձայն նամակի՝ նրանք կանչվել են Գոստանդնուպոլիս և «արքայական,—ինչպես ասված է նամակում,— հրամանաւ զիշխանսն յատեան զակոնական կանոնաւ հարցաբանեալ և տեղեկացեալ զել ամենայն իրացն եղինի վերայ մեր զաշինք կապակցութեամբ արքայական զրոշմամբ և բերմանօք, վերստին դարձուցին առ ի Զեյթուն քաղաքս մեծ պատուով արքայսպսակ նշանօք...»³²։

Երևանի Մատենադարանի արխիվում պահպանվել է նաև մեկ այլ շահագանց ուղագրավ վավերագիր, ուղղված ներսես Աշտարակեցուն, որն ուղարկել է Հովհաննես արքեպիսկոպոսը՝ 1852 թ. մարտի 10-ին։ Այս վավերագրի «Բայց արքայ թագավորի վերկին վաթսուն քիսէ ըստակէ կըտըրուածը» հատվածից երևում է, որ կառավարության կողմից Զեյթունի տարեկան հարկը սահմանված էր 60 քիսե կամ 30.000 դահեկան, և որ այդ ժամանակ Զեյթուն «արքա-

²⁸ Զեյթունցի, նշվ. աշխ., էջ 101։

²⁹ Մ. Նուրիխան, Պատմություն ժամանակակից, մասն Բ, Վենետիկ, 1896, էջ 822։

³⁰ Մատենադարան, կաթ. դիվան, թղթ. 158, վավ. 39։

³¹ Նույն տեղում։

³² Նույն տեղում։

էին եկեալ սպասսուորքն, յվալնելու այսինքն Զեյթունն նյությալին համարն շահի խնդրելով կամին զօգով շափեն դուրս աւելի առնեն³³։ Ուրեմն, իշխանների վերադարձից հետո Զեյթուն էին եկել սուլթանի ուղարկած աստիճանավորները, որոնք ժողովրդից ավելի տուրք էին պահանջել և քանի որ ժողովուրդը հնարավորութիւն չունէր վճարելու, ապա այդ մասին էլ Զեյթունի հոգևոր առաջնորդը տեղյակ էր պահում ամենայն հայոց կաթողիկոսին։

Սակայն օսմանյան կառավարութեանը միայն հարկը չէր հետաքրքրում, այլ նաև այն ինքնավարութիւնը, որ ունեին լեռնականները։ Մարաշի Ազիզ փաշան գերմանական ճանապարհորդ Պաոթիին 1861 թ. ասել է, որ «Եկիլիկո լեռներուն մեջ կան քանի մը ապստամբ ժողովուրդ, հուսամ թե քիչ առնեն զանոնք անհետ կանենք»³⁴։ Ովքե՞ր էին «քանի մը ապստամբ ժողովուրդը», որոնց մասին ականարկում էր Մարաշի նոր նշանակված փաշան։ Դրանցից մեկը զեյթունցիներն էին, իրենց հինգդարյա ինքնավար կյանքով, իսկ մյուսը՝ Սիսու Հաճըն քաղաքներում և նրանց շրջակայքում ապրող Կողան, օզլունք թուրքմենական ցեղը, որը սկսած 1640 թ. նույնպես ինքնավար կյանքով էր ապրում և, վերջապես, Զեյթունից ոչ շատ հեռու ընկած Ազն-դաղում բնակվող քրդերն էին, որոնք նույնպես չէին ենթարկվում օսմանյան կառավարութեանը։

Ազիզ փաշան 1862 թ. արշավելով Զեյթուն, լեռնականներից պահանջեց անցած տարիների 1.777.097 դահեկան հարկը և նույն տարվա համար 95296 դահեկան³⁵։ Նախ, որտեղի՞ց մեկ տարվա այդ հարկը, որն ավելի քան երեք անգամ ավելին էր քան կառավարութեան նշանակած 60 քիսե կամ 30 հազար դահեկան հարկը։ Երբ բաժանում ենք այս թվերը, ստացվում է ավելի քան 18 տարվա հարկ, եթե, իհարկե, հաշվում ենք 95296 դահեկանի շահով։ Մեր կարծիքով Ազիզ փաշան մի տարվա հարկն իր կամքով ավելի քան երեք անգամ ավելացրել էր և պահանջել մոտ 20 տարվա հարկ, որպեսզի այդ ահելի դումարը լեռնականները չկարողանան վճարել և ինքն առիթ ունենա հարձակվելու Զեյթունի վրա ու մեկընդմիջտ վերջ տա նրա ինքնավար վիճակին։ 1862 թ. տպագրված մի հոդվածից էլ երևում է, որ Ազիզ փաշան զեյթունցիներից 1000 քաակ (500.000 դահեկան) գումար է պահանջել³⁶։ Ազիզ փաշան Զեյթունի գավառակում գտնվող Արապաշ (Արեպին) գյուղն ավերելուց, ս. Փրկչի վանքը թալանելուց և 200 հոգի սպանելուց հետո պատգամավորութիւն է ուղարկում Զեյթուն և պահանջում հարկը։ «Զեյթունի պատմագրքից» չի երևում թե նա ինչքան հարկ է պահանջել, սակայն լեռնականների պատասխանը (սեթե դուք մեր բոլոր գյուղը վերի վայր առնեք՝ քրքրեք, կեսն ևս գտանելու չեք այն գումարի, որ պահանջում եք մեզանից)՝ ցույց է տալիս, որ նա պահանջել էր վճարել հսկայական գումար։ Զեյթունցիներն Ազիզ փաշային պատասխանում են, որ կարող են միայն 128 հազար դահեկան վճարել, որից 25 հազարը՝ դրամով³⁷։ Դա Ազիզ փաշային չի բավարարում և նա մեծ թվով զորքով հարձակվում է զեյթունցիների վրա։ Սակայն նրա ուժերը ջախջախ-

33 Նույն տեղում, թղթ. 163, վավ. 31.

34 «Արձագանք», 18. XII. 1895.

35 Մ. Նուրիխան, նշվ. աշխ., էջ 822.

36 «Զեյթունի պատմագրք», էջ 152.

37 Նույն տեղում, էջ 219.

38 «Արձագանք», 18. XII. 1895.

վում են և նահանջում, Զեյթունում թողնելով ունեցած երկու թնդանոթները: Դրանից հետո զեյթունցիները հավաքում են 30 հազար դահեկան գումար և փաշայից խլած երկու թնդանոթների հետ միասին ուղարկում Մարաշ:

Զեյթունի 1862 թ. այս հերոսական ապստամբության հաղթանակից հետո մինչև 1865 թ. այսպես կոչված «Զեյթունի գործը» շարունակվեց և ձգձգվեց: Վերջապես, լեռնականները ստիպված եղան ընդունել թուրքական առաջին կայմակամին, որով էլ փաստորեն վերջացավ նրանց հինգդարյա ինքնավար վիճակը: Նորիկ կայմակամը կառուցեց այսպես կոչված «կառավարական տունը» և մի մզկիթ՝ գյուղաքաղաքում ապրող 24 տնտեսություն կազմող լազերի և եկվորների համար: Այսպիսով, լեռնականները սկսեցին ղեկավարվել Օսմանյան կայսրության օրենքներով, դարձան պետության այնպիսի հարկատուներ, ինչպես մնացած քաղաքացիներն ու գյուղացիները: Կայմակամի հետ Զեյթուն եկան նաև թուրք հազարապետ, դատավոր և մի բարենորոգիչ³⁰: Սրանք սկսեցին հաշվառել բնակիչներին և շարժական գույքը և թուրքական հարկատվության անտանելի լուծը դրվեց լեռնականների վզին: Թուրք պաշտոնյաները զեյթունցիներից պահանջեցին մի նոր հարկ՝ ղլխահարկ (բեղել կամ պետելյն ասքիարյն): Այս հարկը ռայային ստրկական վիճակում պահող մի միջոց էր, որը շատ հին ժամանակներում անվանվել է նաև խարաջ: Այն XVIII դ. վերջերին մեկ շնչի համար 10 դահեկան էր, 1834 թ. հասավ 20, իսկ Ղրիմի պատերազմից հետո՝ ավելի քան 27 դահեկան⁴⁰: Զեյթունում այդ հարկը ընդհանուր առմամբ կազմեց 100.000 դահեկան⁴¹: Զեյթունի բնակիչները 50 հազար դահեկան հարկ էին վճարելու այժմի համար, իսկ տերունական հարկ՝ 25 հազար դահեկան: Այսպիսով, եթե զեյթունցիները նախկինում վճարում էին 30 հազար դահեկան հարկ, ապա 1865 թ. սկսած միայն այս 3 հարկերի դիմաց վճարելու էին 175.000 դահեկան⁴²: Սրանք դեռ օրինական հարկերն էին, իսկ անօրինականներն ավելի շատ էին, չհաշված կաշառակերությունը, հարստահարությունները և կամայականությունները, որոնք թուրքական պաշտոնյաների հետ մտան Զեյթուն:

1875 թ. Զեյթունի բնակիչներն ապստամբեցին, թուրքական իշխանավորներին դուրս վռնեցին իրենց գավառակից և երեք տարի ապրում էին ինքնավար կյանքով: Մեր ունեցած տվյալներով այդ ապստամբության նախօրյակին լեռնականները թուրքական կառավարությանը պետք է վճարեին 370 հազար դահեկան հարկ⁴³:

1877—1878 թթ. ռուս-թուրքական պատերազմից հետո կառավարությունը Կիլիկիա և Զեյթուն է ուղարկում մի հանձնաժողով՝ տեղում իրավիճակին ծանոթանալու և կոնկրետ առաջարկներ անելու համար: Իր այս քայլը կառավարությունը համարում էր նաև Բեռլինի կոնգրեսի 61-րդ հոդվածը «կենսագործելու» մի փորձ, որի նպատակը, ինչ խոսք, նաև լեռնականներին ժամանակավորապես պոռթկումից զերծ պահելն էր:

Հանձնաժողովը տեղում ծանոթանալով իրավիճակին, զգալի չափով իջեցրեց առևտրական և կալվածքների տուրքերը (154.775-ից 51.184 դահեկանի)։

³⁰ Զեյթունցի, նշվ. աշխ., էջ 125.

⁴⁰ Խաժափ, Հարկերը Տաճկաստանում, Բաքու, 1904, էջ 34—35.

⁴¹ «Զեյթունցիք և լուսավորչական Հայք», 4. Պոլիս, 1866, էջ 20.

⁴² Նույն տեղում:

⁴³ «Մշակ», 12. I. 1879.

այնուհետև ժողովրդին ազատեց դիսահարկից, որը 164.611 դահեկանի էր հասել: Հանձնաժողովը 8 անուն տուրքեր, որոնց դամարը կադմում էր 21.935 օսմանյան ոսկի, գիջեց: Այդիններից ստացված տասանորդը 50 հազար դահեկանից հասցվեց 4587 դահեկանի⁴⁴: Սակայն սրանք, ինչպես նշվեց, լեռնականներին ժամանակավորապես լուեցնելու նպատակով կատարված դիշումներ էին: Հարկերը հետագայում ավելացվեցին և զեյթունցիները 1895 թ., էինելով ստեղծված վիճակից, ապստամբեցին: Հերոսական այս ապստամբությունը տևեց մի քանի ամիս և վերջացավ սուլթանի ու զեյթունցիների միջև կնքված պայմանագրով, որի համաձայն, լեռնականները 3 տարով ազատվում էին բոլոր տեսակ հարկերից, իսկ այն հարկերը, որոնք չէին հավաքվել, շեղյալ էին հայտարարվում⁴⁵:

Մեր բերած այս բոլոր տվյալները վերաբերում են միայն աշխարհիկ հարկերին, սակայն ինչպես ամենուրեք, այնպես էլ Զեյթունում, ժողովուրդը հարկեր էր վճարում նաև եկեղեցուն: Լեռնականների մոտ հոգևոր պետք մինչև թուրքական տիրապետության հաստատումը և զրանից հետո էլ, ինչպես տեսանք, մասնակցել է աշխարհիկ գործերին: Զեյթունի վանքը նույնպես մի փոքրիկ ֆեոդալական հաստատություն էր և ուներ իր կալվածքները: Սակայն մինչև 1850-ական թվականները զեյթունցիների վճարած հոգևոր հարկերի մասին քիչ տեղեկություններ ունենք: Մինչև XIX դ. կեսերը վանքի վանահայրերը եկեղեցու ունեցվածքի հետ վարվել են այնպես, ինչպես իրենք են ցանկացել և նրանց գործերին ոչ ոք չի միջամտել: Ժողովուրդը միշտ էլ կանոնավոր կերպով վճարել է պտղի և աթոռի հարկերը: Ինչպես եկեղեցիներին, այնպես էլ վանքերին տրվել են մեծ քանակությամբ նվերներ: Եկեղեցական հարկերի մեջ կային նաև ուխտագնացության, մատաղի, հիվանդության, մահերի, խելագարության կապակցությամբ տրվող գումարներ: Մինչև 1900 թ. Զեյթունի վանքի վանահայրը «վանքը հայրենի ժառանգության մը պէս ամուր գրկած» չուղեր, որ մարդ անցնի վանքին դռնեն, կամ թռչուն մը իսկ թռչի մոտերեն⁴⁶: Դարավերջին Զեյթունի ավագանու որոշմամբ ստեղծվում է հոգևոր խորհուրդ, որը տնօրինում էր վանքի հասույթները և հաշվետվություն էր տալիս եկեղեցու ունեցվածքի մասին: Այդ խորհուրդը գործեց մինչև 1915 թվականը:

О НАЛОГАХ, СУЩЕСТВОВАВШИХ В ЗЕЙТУНЕ

АЙКАЗ ПОГОСЯН

Резюме

О налогах, существовавших в Зейтуне, сохранились весьма скудные сведения. Единственным документом является Манифест, изданный султаном Мурадом IV в 1626—1627 гг., согласно которому зей-

⁴⁴ «Զեյթունի պատմագիրք», էջ 339—340:

⁴⁵ Զեյթունցի, հայտնի աշխ., էջ 71—73:

⁴⁶ «Զեյթունի պատմագիրք», էջ 829:

тунцы должны были платить налог размером 30 тыс. динаров в год. Этим Манифестом зейтунцы получили относительную независимость.

В конце XVIII в. турецкие паши Мараша пытались подчинить себе зейтунцев и увеличить налоги, однако их попытки не увенчались успехом. В 1862 г. после подавления героического зейтунского восстания налоговый гнет усилился: только по трем основным налогам они должны были платить 370 тыс. динаров, не считая других многочисленных податей.